

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0061678 25  
Zenica, 13.01.2026. godine

**OPĆINSKI SUD TEŠANJ**  
**-Sudiji za prethodno saslušanje-**  
**TEŠANJ**

Na osnovu člana 45. stav 2. tačka i) i člana 241. stav 1. Zakona o krivičnom postupku  
F BiH, p o d i ž e m

**O P T U Ž N I C U**

Protiv:

1. **M. E.**, ..., osuđivan 2023. godine za KD Nasilje u porodici i 2009 godine Teška krađa, ...,
2. **B. M.**, ..., osuđivan ranije za KD Posjedovanje, prodaja i konzumiranje narkotika, ...,
3. **Š. V.**, ..., ranije osuđivan za KD Krađa i Teška krađa, ...,

što su zajedno,

Dana 15/16.09.2024.godine, na području opštine Tešanj, u mjestu ... i u ... zajedno vršili nasilje, tjelesno povrijedili i silom prisilili da učini nešto na svoju štetu H. S., svjesni svojih radnji i znajući da su takve njihove radnje zakonom zabranjene, što su i htjeli, na način da je S. vozilom odvezao na vikendicu u C. H. V., gdje su se već nalazili M. E., B. M., Š. V., pa po dolasku pred vikendicu, S. je izašao iz auta, na kojem su bila upaljena duga svjetla, prišli su mu sva trojica i fizički napali S., znajući da ga mogu teško tjelesno ozlijediti, što su i htjeli, pa su ga udarali rukama i nogama po tijelu od kojih udaraca je pao na zemlju i ostao ležati, pitajući ga „Ko ti je ukrao auto, ko ti je zapalio auto“, nakon čega ga je V. podigao na klupu, sa njega skinuo gornji dio odjeće i patike i sve zapalio da bi nastavili zadavati mu udarce po tijelu, a potom S. stavili u auto i svi se zajedno odvezli jednim vozilom u ... kod spomenika u vikendicu, a kojim vozilom je upravljao M. E. i po dolasku u vikendicu nastavili su ga udarati, a sve s ciljem da za sebe pribave protupravnu imovinsku korist, tražili novac, pa kada im je S. rekao da ima novac u autu, koje se nalazi kod njegove kuće, V. i E. su se odvezli autom za Maglaj i dovezlo S. auto marke „...“, jer nisu pronašli novac u autu, da bi naredili S. da izađe iz vikendice i nađe novac, što je on i učinio i iz gepeka svoga auta im predao 650,00KM i 200,00 KM iz džepa, koji novac su njih trojica međusobno podijelili, a potom je V. S. odvezao do ..., kojom prilikom je H. S. zadobio laku tjelesnu ozljedu u vidu nagnječenja glave i lica oko oka sa lijeve

strane, nagnječenja grudnog koša sa lijeve strane, nagnječenje i krvni podliv na lijevoj podlaktici, te istog tjelesno povrijedili nanoseći mu tešku tjelesnu povredu u vidu serijskog preloma rebara sa lijeve strane i to 8.,9.,10. i 12. rebra, te tako ugrozili njegov građanski mir i sigurnost,

čime su M. E., B. M. i Š. V. počinili krivično djelo Nasilničko ponašanje iz člana 362. stav 2. KZ F BiH, u sticaju sa krivičnim djelom Teška tjelesna ozljeda iz člana 172. stav 1. KZ F BiH i krivično djelo Iznude iz člana 295. stav 1. KZ F BiH, a sve u vezi sa članom 31. i 54. KZ F BiH.